

GJALDSKRÁ

Orkuveitu Húsavíkur.

A-hluti.

1. gr.

Almennt.

Gjaldskrá þessi gildir fyrir veitusvæði Orkuveitu Húsavíkur skammstafað OVH. Gjaldskráin tekur til afhendingar og sölu á rafmagni og heitu vatni sbr. reglugerð fyrir OVH nr. 647/1995.

Gjaldskráin skiptist í tvo hluta:

A-hluti fjallar um almenna skilmála fyrir afhendingu á raforku og heitu vatni á veitusvæði OVH. Þar er einnig skilgreining á raforkutöxtum, hitatöxtum, vatnsgjöldum, heimtauga- og heimæðagjöldum, mælaleigu, tengigjaldi, álestrargjaldi, innheimtugjaldi og lokunargjaldi auk annarra ákvæða.

B-hluti sýnir gildandi verð fyrir raforku og heitt vatn svo og önnur gjöld eins og þau eru á hverjum tíma.

2. gr.

Sérgjöld rafveitu.

2.1 Almenn raforkunotkun.

Almennir taxtar skiptast í tvo þætti, fast gjald og orkugjald:

Fast gjald (kr/ár) felur í sér kostnað óháðan rafmagnsnotkun, m.a. vegna álestra, útgáfu reikninga og mælingar á orku.

Orkugjald (kr/kWh) greiðist fyrir hverja melda orkueiningu og er í beinu hlutfalli við orkunotkun.

A.1 Almenn notkun.

Taxti A.1 gildir fyrir alla almenna raforkunotkun.

A.2 Skammtímanotkun.

Taxti A.2 gildir fyrir rafmagn til skammtímanotkunar, svo sem til mannvirkjagerðar.

2.2 Afl- og orkunotkun.

Afltaxti er einn, taxti B.1 fyrir alla almenna orkusölu.

Taxti B.1 skiptist í þrjá þætti, fast gjald, aflgjald og orkugjald.

B.1 Afl- og orkumæling.

Taxti B.1 gildir fyrir stærri orkunotendur. Orkukaupanda er ekki heimilt að skipta orkunotkun sinni um sömu heimtaug á almennan taxa og afltaxta.

Fast gjald (kr/ár) felur í sér kostnað óháðan rafmagnsnotkun, m.a. vegna álestra, útgáfu reikninga og mælinga á aflri og orku.

Aflgjald (kr/kW/ár) greiðist fyrir hverja melda afleiningu.

Orkugjald (kr/kWh) greiðist fyrir hverja melda orkueiningu.

Afl er reiknað á ársgrundvelli, en notandinn greiðir fyrir meðaltal sjö afltoppa sem falla á vetrartímabili, en á sumartímabili er aflíð frjálst. Vetrartímabil er frá 1. október til 30. apríl, en sumartímabil er frá 1. maí til 30. september. Aflgjald greiðist samkvæmt mælingu miðað við 15 mínútna meðalgildi afls.

Notandi greiðir orkugjöld mánaðarlega sem svarar 1/12 af áætlaðri ársnotkun afls og orku auk fastagjalds.

Áætlunin byggir á mældri notkun næstliðins árs. Reynist meðaltal mældra afltoppa annað en áætlun, fer leiðrétting fram um áramót hvort heldur er til hækkunar eða lækkunar. Árið er almanaksárið.

2.3 Notkun til hitunar.

C-taxtar gilda fyrir rofna orkuafhendingu að fráskildum taxta C.1. Sala rafmagns samkvæmt C-töxtum er bundin því skilyrði að veitukerfið þoli álagið að dómi OVH.

Öll tæki og búnaður skulu vera fasttengd í húsveitum þar sem notkun greiðist samkvæmt C-töxtum.

C.1 Órofin notkun.

Taxti C.1 gildir fyrir órofna notkun.

C.2 Rofin notkun.

Taxti C.2 gildir fyrir rofna notkun. Rafmagn samkvæmt taxta C.2 er heimilt að rjúfa tvisvar á sólarhring, allt að tveimur klukkustundum í hvort skipti. Rofið er á tímabilinu frá kl. 10.00 til 12.30 og frá kl. 17.00 til kl. 19.30.

2.4 Heimtaugagjöld.

Heimtaugargjald skal greitt fyrir hverja heimtaug sem tengir húsveitu við dreifikerfi OVH. Heimtaugargjald greiðist þegar umsókn hefur verið samþykkt hjá OVH.

Málstærð heimtaugar miðast við stærð stofnvara húsveitu. Hámarkstærð heimtaugar samkvæmt gjaldskrá er 315A. Óski notandi eftir stærri heimtaug er gerður um það sérstakur samningur.

Húseiganda ber að leggja, á minnst 50 sm dýpi, ídráttarrör frá lóðarmörkum að inntaksstað heimtaugar samkvæmt samþykktri afstöðumynd. Til að unnt verði að ganga frá tengingu heimtaugar skal skilja eftir holu við lóðarmörk.

Sé fyrirsjáanlegt, vegna fjarlægðar eða annarra aðstæðna, að kostnaður við lagningu heimtaugar verði meira en 50% hærri en gildandi gjaldskrá segir til um, skal notandi greiða þann kostnað sem er umfram 50% samkvæmt nánari ákvörðun OVH.

Óski eigandi húsveitu eftir að heimtaug sé lögð þegar frost er í jörðu, skal hann greiða aukagjald samkvæmt nánari ákvörðun OVH

Sé nauðsynlegt að setja upp spennistöð vegna húsveitu, og hún að mestu leyti notuð í þágu þeirrar húsveitu, skal eiganda veitunnar skylt að leggja til húsnaði eða lóð undir stöðina OVH að kostnaðarlausu. Hann skal í öllu hlíta skilmálum OVH um staðsetningu stöðvar.

E.1 Aðalheimtaugar.

Þegar aðalheimtaug er breytt úr loftlínuheimtaug í jarðstrengsheimtaug, svo og þegar heimtaug er stækkuð, skal greiða fullt heimtaugargjald fyrir hina nýju heimtaug að fráregnu hálfu gjaldi hinnar fyrri heimtaugar, hvort tveggja miðað við gildandi gjaldskrá þegar breytingin fer fram.

2.5 Mælaleiga.

OVH ákveður stærð og gerð mæli- og stjórnækja, sem notuð eru við sölu rafmagns. Mælaleiga fyrir þessi tæki er innifalin í gjöldum samkvæmt B-hluta gjaldskrár gr. 2.5.

Óski notandi þess, leigir OVH honum mælitæki til annarra nota en að framan greinir. Ársleiga fyrir slík mælitæki greiðist samkvæmt B-hluta gjaldskrár, gr. 2.5. Leiga skal greidd samtímis orkugjaldi

3. gr.

Sérgjöld hitaveitu.

3.1 Notkun á heitu vatni.

Hitaorkutaxtar skiptast í tvo þætti, vatnsgjald og fast gjald.

Vatnsgjald (kr/m³) greiðist fyrir hvern rúmmetra vatns. Sé um nýtt hús að ræða hefst gjaldtaka þegar húsið hefur verið tengt hitaveitu OVH (við áhleypingu).

Fast gjald (kr/ár) felur í sér kostnað óháðan notkun, m.a. vegna álestra, eftirlits og útgáfu reikninga.

H.5 Almenn notkun.

Taxti H.5 gildir fyrir alla almenna notkun á heitu vatni (hitaorku).

3.2 Heimæðargjöld.

Heimæðargjald skal greitt fyrir hverja heimæð sem tengir húsveitu við dreifikerfi OVH.

Heimæðargjald greiðist þegar umsókn hefur verið samþykkt hjá OVH.

Heimæðargjöld skiptast í tvo þætti, fast gjald og rúmmetragjald umfram lágmark.

Sé um óupphitað rými að ræða í atvinnuhúsnæði, svo sem vöruskemmur og því um líkt, skal heimæðargjald einungis reiknað af því rými er hita skal, þó sé lámargsgjald tekið samkvæmt 300 m³ húsnæði. Verði hið upphitaða rými síðar stækkað þá komi til full gjaldtaka af þeirri aukningu.

I.1 Heimæðargjald.

Hús minni en 2.000 rúmmetrar að utanmáli.

Fast gjald skal greiða fyrir heimæð að húsi allt að 300 rúmmetrum að stærð og að auki rúmmetragjald fyrir hvern rúmmetra umfram 300.

I.2 Heimæðargjald.

Hús stærri en 2.000 rúmmetrar að utanmáli.

Fast gjald skal greiða fyrir heimæð að húsi sem er 2.000 rúmmetrar að stærð eða stærra og að auki rúmmetragjald fyrir hvern rúmmetra umfram 2.000.

Heimilt er að krefja húseiganda um greiðslu aukakostnaðar vegna lagningar heimæðar að ósk hans í frosna jörð.

3.3 Mælaleiga.

OVH ákveður stærð og gerð mæli- og stjórntækja, sem notuð eru við sölu heita vatnsins. Mælaleiga fyrir þessi tæki er innifalin í gjöldum samkvæmt B-hluta gjaldskrár gr. 3.3.

Óski notandi þess, leigir OVH honum mælitæki til annarra nota en að framan greinir. Ársleiga fyrir slík mælitæki greiðist samkvæmt B-hluta gjaldskrár, gr. 3.3.

4. gr.

Önnur gjöld sameiginleg.

4.1 Álestrargjald.

Reglubundinn álestur mælitækja er innifalinn í notkunargjöldum samkvæmt 7. og 8. gr. gjaldskrár. Að jafnaði er lesið á mælitæki einu sinni til tvisvar á ári, þó er lesið mánaðarlega á mælitæki á taxta B.1.

Óski notandi þess að oftast sé lesið á mælitæki er honum gerður sérstakur reikningur fyrir þann álestur, nema um sé að ræða álestur vegna flutnings.

4.2 Innheimtugjald.

Undirbúningur að stöðvun afhendingar á raforku og eða heitu vatni (hitaorku) vegna vanskila notanda, telst hafinn við sendingu tilkynningar þess efnis til notandans. Sé slík tilkynning send notanda skal hann greiða innheimtugjald vegna kostnaðar við undirbúning stöðvunarinnar, þó að til hennar hafi ekki komið.

4.3 Lokunargjald.

Komi til stöðvun afhendingar á raforku og eða heitu vatni (hitaorku) vegna vanskila notanda skal hann greiða lokunargjald vegna kostnaðar við þá framkvæmd. Gjald þetta kemur til viðbótar innheimtugjaldi samkvæmt gr. 4.2.

5. gr.

Ýmis ákvæði.

5.1 Launafl.

Heimilt er að ákveða sérstakt gjald fyrir launafl hjá raforkunotendum, ef fassviksstuðull er að meðaltali lægri en 0,8.

5.2 Gjald dagar og eindagar.

Gjald dagi er útgáfudagur reiknings. Eindagi er tilgreindur á reikningi.

5.3 Gjaldskrárbreytingar.

Heimilt er að breyta gjaldskrá þessari til samræmis við lög og verðbreytingar, enda miðist gjaldskráin ætíð við að tekjur OVH standi undir rekstri, aukningu veitukerfa og arði.

B-hluti.

6. gr.

Almennt (sjá A-hluta).

7. gr.

Sérgjöld rafveitu.

7.1 Almenn orkunotkun.

A.1 Almenn notkun:		
Orkugjald	6,42	kr/kWh
Fast gjald	2.785,00	kr/ár
A.2 Skammtímanotkun:		
Orkugjald	6,42	kr/kWh
Fast gjald	5.197,00	kr/ár

7.2 Afl- og orkunotkun.

B.1 Afl- og orkumæling:		
Orkugjald	2,59	kr/kWh
Aflgjald	9.079,00	kr/kW/ár
Fast gjald	40.354,00	kr/ár

7.3 Notkun til hitunar.

C.1 Órofin hitun:		
Orkugjald	5,53	kr/kWh
Fast gjald	7.972,00	kr/ár

C.2 Rofin hitun:	
Orkugjald	2,93 kr/kWh
Fast gjald	4.887,00 kr/ár

7.4 Heimtaugagjöld.

E.1 Aðalheimtaugar:	kr.
1 X 25A	12.500,00
1 X 63A	64.200,00
3 X 63A	70.200,00
3 X 100A	108.000,00
3 X 200A	222.000,00
3 X 315A	348.000,00

7.5 Mælaleiga.

Ársleiga 15% af innkaupsverði.

8. gr.

Sérgjöld hitaveitu.

8.1 Notkun á heitu vatni.

H.5 Almenn notkun:	
Vatnsgjald	36,67 kr/m ³
Fast gjald á ári	3.340,70 kr/ár

8.2 Heimæðagjöld.

I.1 Hús minni en 2.000 m ³ :	
Fast gjald	79.500,00 kr.
Rúmmetragjald umfram 300 m ³	69,84 kr/m ³
I.2 Hús stærra en 2.000 m ³ :	
Fast gjald	198.000,00 kr.
Rúmmetragjald umfram 2.000 m ³	60,91 kr/m ³

8.3 Mælaleiga.

Ársleiga 15% af innkaupsverði.

9. gr.

Önnur gjöld, sameiginleg.

9.1 Álestrargjald.	kr.
Fyrir aukaálestur	600,00
9.2 Innheimtugjald.	
Innheimtugjald vegna vanskila	300,00
9.3 Lokunargjald.	
Lokunargjald vegna vanskila	1.980,00

Á gjöld þessi leggst virðisaukaskattur samkvæmt gildandi reglum á hverjum tíma.

Skammstafanir:

<i>Tákn</i>	<i>Eining</i>	<i>Skýring</i>
A	amper	straumur
kW	kílóvatt	afl
kWh	kílóvattstund	orka

10. gr.

Samþykki og staðfesting.

Gjaldskrá þessi, A- og B-hluti, staðfestist hér með, samkvæmt orkulögum nr. 58 29. apríl 1967, til þess að öðlast þegar gildi og birtist til eftirbreytni öllum sem hlut eiga að máli. Jafnframt er felld úr gildi eldri gjaldskrá Orkuveitu Húsavíkur nr. 242 23. apríl 1996.

Iðnaðarráðuneytinu, 30. janúar 1997.

F. h. r.

Baldur Pétursson.

Steinunn Bjarman.

31. janúar 1997

Nr. 91

AUGLÝSING

um skrá Hjúkrunarheimilisins Eirar skv. 3.-6. tl. 19. gr. laga nr. 94/1986 um kjarasamninga opinberra starfsmanna.

Skrá yfir þá sem falla undir 4.-6. tl. 19. gr. laga nr. 94/1986 um kjarasamninga opinberra starfsmanna:

Forstöðumaður	1,0 staða
Læknaritari	0,5 staða

Skrá yfir þá sem falla undir 3. tl. 19. gr. laga nr. 94/1986 um kjarasamninga opinberra starfsmanna:

Hjúkrunarfræðingar.

Hjúkrunarforstjóri	1,0 staða
Hjúkrunarfræðingur yfir öllu heimilinu á næturvakt	1,0 staða
Hjúkrunarfræðingur á hverja einingu á morgunvakt (5 einingar)	5,0 stöður
Hjúkrunarfræðingur á hverja einingu á kvöldvakt (5 einingar)	5,0 stöður

Sjúkraliðar.

Á morgunvakt virka daga og um helgar á hverja einingu (5 einingar)	10,0 stöður
Á kvöldvakt virka daga og um helgar á hverja einingu (5 einingar)	5,0 stöður
Á næturvakt á hverja einingu virka daga og um helgar (5 einingar)	5,0 stöður

Reykjavík, 31. janúar 1997.

Hjúkrunarheimilið Eir,
Gréta Guðmundsdóttir forstöðumaður.